

Na osnovu člana 36, stav 5. Odluke o izvršavanju Budžeta Grada Cazina za 2024. godinu ("Sl. novine Grada Cazina" broj 1/24) na prijedlog JU Centar za socijalni rad Cazina, te pozitivnog mišljenja br.02-11-1172/24 od 05.02.2024.godine Službe za finansije, računovodstvo i trezor Grada Cazina, Gradonačelnik d o n o s i

PRAVILNIK O FINANSIRANJU TROŠKOVA PREVOZA UČENIKA SREDNJIH ŠKOLA U GRADU CAZINU za 2024.godinu

DIO PRVI - OPĆE ODREDBE

Član 1.

Ovim Pravilnikom utvrđuju se korisnici, kriteriji i način finansiranja troškova javnog prevoza redovnih učenika srednjih škola, sa prebivalištem na području grada Cazina, u periodu od februara do juna i od septembra do decembra budžetske godine, pravo na finansiranje troškova prevoza, uslovi za sticanje i prestanak prava na finansiranje troškova prevoza, nadležnost i postupak za priznavanje i prestanak prava na finansiranje troškova prevoza, finansiranje troškova i druga pitanja od značaja za finansiranje sredstvima Budžeta JU "Centar za socijalni rad" Cazina, koji je sastavni dio Budžeta grada Cazina.

DIO DRUGI - KORISNICI

Član 2.

(1) Pravo na finansiranje troškova prevoza imaju samo oni učenici srednjih škola čija je udaljenost od mjesta prebivališta do mjesta sjedišta škole pet (5) i više kilometara, a pripadaju jednoj od sljedećih kategorija:

- a) djeca bez roditeljskog staranja
- b) djeca čija oba roditelja nemaju primanja po bilo kom osnovu, bez obzira na broj djece
- c) djeca sa invaliditetom
- d) djeca roditelja koji se sami staraju o djetetu, a čija primanja ne prelaze iznos od jedne prosječne neto plate isplaćene u FBiH u posljednja tri mjeseca, prema zvaničnim podacima objavljenim u Federalnom Zavodu za statistiku
- e) Ukoliko u porodici ima dva ili više učenika, a primanja roditelja po bilo kom osnovu ne prelaze iznos jedne prosječne neto plate isplaćene u FBiH u posljednja tri mjeseca, prema zvaničnim podacima objavljenim u Federalnom Zavodu za statistiku, pravo na subvenciju troškova prevoza ima drugo, treće i svako sljedeće dijete.

(2) Prije donošenja rješenja, JU Centar za socijalni rad Cazina zadržava pravo procjene socijalnog stanja porodice i utvrđivanja postotka finansiranja cijene mjesečne karte.

„Član (2a)“

Pravo na subvenciju troškova prevoza će se finansirati u fiksnim iznosima na sljedeći način:

Udaljenost od mjesta prebivališta do mjesta središta škole	Mjesečni iznos subvencije
5-10 km	60 KM
11-15 km	70 KM
16-20 km	80 KM
20 i više km	90 KM

DIO TREĆI - USLOVI ZA STICANJE PRAVA NA FINANSIRANJE

Član 3.

(1) Postupak ostvarivanja prava na finansiranje troškova prevoza učenika srednjih škola iz člana 2. ovog Pravilnika pokreće se podnošenjem zahtjeva na kojem će podnosilac zahtjeva naglasiti kojoj kategoriji pripada, a priznaje se od prvog u mjesecu u kojem je zahtjev podnesen.

(2) Svaki podnosilac zahtjeva uz zahtjev je dužan dostaviti sljedeću dokumentaciju:

- a) Izvod iz matične knjige rođenih za dijete ili Uvjerenje o činjenicama iz sl.evidencije
- b) Kućnu listu ovjerenu od strane nadležnog organa
- c) Uvjerenje Kantonalnog ministarstva unutrašnjih poslova - Odsjek za administraciju o prebivalištu na području Grada Cazina (PBA-1 obrazac)
- d) Uvjerenje o pohađanju srednje škole
- e) Kopija mjesečne karte, potvrda prevoznika o cijeni mjesečne karte ili dnevne karte kupljene u tom mjesecu
- f) Bankovni račun podnosioca zahtjeva

(3) Djeca čija oba roditelja nemaju primanja, pored dokumentacije iz stava (2), dužna su dostaviti:

- a) potvrdu o nezaposlenosti oba roditelja
- b) ovjerenu izjavu oba roditelja da nemaju druga redovna primanja po bilo kom osnovu.

(4) Djeca sa invaliditetom su, pored dokumentacije iz stava (2), dužna dostaviti:

- a) dokaz o invalidnosti, odnosno Rješenje nadležnog organa ili komisije kojim je utvrđena invalidnost

(5) Djeca koja pripadaju kategoriji gdje u porodici ima jedan učenik srednje škole, odnosno dva ili više učenika, a gdje se ostvaruju primanja manja od jedne prosječne plate isplaćene u FBiH u

posljednja tri mjeseca, prema zvaničnim podacima objavljenim od strane Zavoda za statistiku, su dužna, pored dokumentacije iz stava (2), dostaviti sljedeće dokaze:

- a) Potvrdu poslodavca o radnom odnosu i visini primanja (za zaposlene)
- b) Ček od penzije (za penzionere)
- c) Drugi dokument kojim se dokazuje visina primanja u domaćinstvu
- d) Ovjerenu izjavu roditelja da nema drugih primanja, izuzev onih koja su navedena u Zahtjevu.

(6) Djeca roditelja koji se sami staraju od djetetu, bez primanja ili primanja koja ne prelaze iznos jedne prosječne plate isplaćene u FBiH u posljednja tri mjeseca, prema zvaničnim podacima objavljenim od strane Zavoda za statistiku, su dužna, pored dokumentacije iz stava (2), dostaviti sljedeće dokaze:

- a) Potvrdu poslodavca o radnom odnosu i visini primanja oba roditelja (ukoliko ima primanja)
- b) Ček od penzije (za penzionere)
- c) Drugi dokument kojim se dokazuje visina primanja u domaćinstvu (ukoliko ima primanja)
- d) Potvrdu o nezaposlenosti oba roditelja (za nezaposlene)
- e) Ovjerenu izjavu oba roditelja da nemaju drugih primanja, izuzev onih navedenih u Zahtjevu

(7) Zahtjevi i izjave se mogu besplatno dobiti u JU "Centar za socijalni rad" Cazin.

DIO ČETVRTI - PRESTANAK PRAVA NA FINANSIRANJE

Član 4.

Pravo na finansiranje troškova prevoza učenika srednjih škola iz člana 2.ovog Pravilnika prestaje:

- a) kad učenik izgubi status redovnog učenika srednje škole
- b) kada učenik promijeni porodični status, odnosno promijeni se socijalni i materijalni status porodice učenika
- c) Kad učenik iz bilo kojih razloga prestane koristiti usluge finansiranja prevoza
- d) Kad nastupe okolnosti od uticaja za prestanak prava na finansiranje.

DIO PETI - NADLEŽNOST I POSTUPAK ZA PRIZNAVANJE I PRESTANAK

PRAVA NA FINANSIRANJE

Član 5.

O pravu na finansiranje troškova prevoza određenih kategorija učenika srednjih škola i prestanku tog prava, a po zahtjevu učenika ili njegovog roditelja/staratelja, u prvom stepenu odlučuje JU "Centar za socijalni rad" Cazin.

Član 6.

- (1) Zahtjev za ostvarivanje prava na finansiranje troškova prevoza sa dokumentacijom navedenom u članu 3.ovog Pravilnika podnositelji zahtjeva su dužni dostaviti u JU "Centar za socijalni rad" Cazin na nadležno postupanje, koji, nakon utvrđivanja formalnih i materijalnih uslova, donosi rješenje o ostvarivanju prava na finansiranje troškova prevoza.
- (2) Rješenje iz stava (1) ovog člana, JU "Centar za socijalni rad" Cazin je dužna donijeti u roku od 30 dana od dana prijema zahtjeva.
- (3) Pravosnažno rješenje JU "Centar za socijalni rad" Cazin dužna je dostaviti računovodstvu Centra i Službi za društvene djelatnosti Grada Cazina.
- (4) U postupku za priznavanje i prestanak prava na finansiranje troškova prevoza određenih kategorija učenika srednjih škola primjenjuju se odredbe Zakona o upravnom postupku.
- (5) Korisnik prava na finansiranje dužan je organu koji je u prvom stepenu odlučivao o pravu na finansiranje, prijaviti svaku promjenu koja je od uticaja na ostvarivanje, obim ili prestanak prava, u roku od 15 dana od dana nastanka promjene.
- (6) Učenici koji ponavljaju godinu ne mogu koristiti sredstva subvencije za tu godinu.

Član 7.

- (1) Protiv prvostepenog rješenja o priznavanju, odnosno prestanku prava na finansiranje troškova prevoza može se podnijeti žalba.
- (2) Žalba se podnosi Komisiji za žalbe Gradskog vijeća Cazin u roku od 15 dana od dana dostavljanja rješenja stranci, a predaje se neposredno ili šalje poštom organu koji je donio prvostepeno rješenje.

DIO ŠESTI - FINANSIRANJE TROŠKOVA PREVOZA

Član 8.

- (1) Pravo na finansiranje troškova prevoza određenih kategorija učenika srednjih škola do utvrđenog iznosa u članu 10.ovog Pravilnika finansira se iz Budžeta JU "Centar za socijalni rad" Cazin, koji je sastavni dio Budžeta Grada Cazina.
- (2) Osnovicu za izračunavanje učešća Budžeta u finansiranju troškova prevoza određenih kategorija učenika srednjih škola predstavlja cijena mjesečne karte.
- (3) Kopije mjesečnih karata ili kopije svih dnevnih karata kupljenih u tom mjesecu, učenici su dužni dostaviti u JU "Centar za socijalni rad" Cazin svakog mjeseca, najkasnije do 10-og u mjesecu radi vršenja kontrole utroška doznačenih sredstava. U suprotnom pravo na finansiranje troškova prevoza se ukida.

Član 9.

JU "Centar za socijalni rad" Cazin će doznačena sredstva uplatiti na bankovni račun učenika do 30-og u mjesecu za prethodni mjesec, ukoliko su pravdali sredstva za prethodni mjesec.

Član 10.

(1) Sredstva za realizaciju ovog Pravilnika obezbjeđena su u iznosu od 75.000,00 KM u Budžetu JU "Centar za socijalni rad" Cazin, koji je sastavni dio Budžeta Grada Cazina.

(2) Finansiranje troškova prevoza učenika će se vršiti maksimalno do iznosa sredstava navedenih u stavu 1. ovog člana, a može se privremeno ili trajno prekinuti ukoliko dođe do znatnog smanjenja prihoda zbog objektivnih okolnosti na koje Ustanova i Grad ne mogu utjecati.

DIO SEDMI - NADZOR

Član 11.

Nadzor nad provođenjem odredaba ovog Pravilnika vršit će Služba za opću upravu i društvene djelatnosti, JU "Centar za socijalni rad" Cazin i Služba za finansije, računovodstvo i trezor, svako u okviru svoje nadležnosti.

Član 12.

Grad Cazin zadržava pravo praćenja utroška sredstava doznačenih JU "Centar za socijalni rad" Cazin, te preispitivanje namjenskog utroška doznačenih sredstava.

DIO OSMI - ZAVRŠNA ODREDBA

Član 13.

Ovaj Pravilnik stupa na snagu danom potpisivanja, a objavit će se u Službenim novinama Grada Cazina.

Predlagač:

JU "Centar za socijalni rad" Cazin

Direktor mr.scr.Amela Toromanović



Broj: 01/31-136/24

Dana, 24.01.2024.godine

